



心經要解

◎ 傳布法師 述


B942.1
201061

港台書

心經要解

◎ 傳布法師 述

贈書
且



普爲出資及讀誦受持
輾轉流通者迴向偈曰

願以此功德 消除宿現業

增長諸福慧 圓成勝善根

所有刀兵劫 及與飢饉等

悉皆盡滅除 身心得吉祥

出資印贈者 誦持流通者

現眷咸安樂 先亡獲超昇

所求皆果遂 隨願得往生

法界諸含識 同證無上道

心經要解

講述者：傳布法師

流通處：佛化人生佛教圖書文物中心

電話：（〇二）二三六三二四八九

地址：台北市羅斯福路三段三二五號六樓之四

流通處：林佩姿（〇二）二七三八八一四一

地址：台北市吳興街一五六巷六三號二樓

流通處：正覺精舍（〇四九）二九三一九〇七

地址：南投縣埔里鎮史港里獅子路一之六號

流通處：伍家慶（〇八）七〇七三二三〇

地址：屏東縣萬丹鄉社口村七二之一號

承印者：和裕出版社（〇六）二四五四〇二三、七

歡迎翻印 但勿增刪

贈送流通 普潤群生

佛曆二五四七年
西元二〇〇三年

恭印初版六仟本

序文

般若心經	言簡意賅	六百卷經	精華所在
成佛作祖	大慈迅航	如大火聚	盡滅惑薪
機薪既盡	應火亦亡	其中要義	行深般若
照見五蘊	真空實相	度盡苦厄	如斯而已
真空不空	妙有非有	真空妙有	遮照同時
即是中道	第一義諦	圓滿菩提	歸無所得
布公尊宿	高壽圓寂	臨終瑞相	允欽允敬
足見平素	用功得力	悟境高深	非愚可測
相識以來	約二十載	謙恭儉樸	崇重戒律
勸愚弘戒	苦口婆心	清當努力	莫負所望
去秋一日	道智開士	捧其遺著	心經要解

徵序於余

法務雖繁

何敢推辭

為慎重故

恭閱二編

略更句讀

並為校訂

法喜洋溢

獲益良多

不敢私享

公諸同好

普願有緣

人請一部

涵泳玩味

同沾法益

照見佛性

證大涅槃

愚也才疏

德學又淺

恐有不到

訛誤之處

虔誠仰願

十方大德

高明賢達

垂慈賜正

是所至禱

願此功德

普皆回向

風調雨順

國泰民安

人心向善

崇德禮讓

情與無情

同圓種智

是為序焉

佛曆二五四七年夏曆六月二十二日
西元二〇〇三年國曆七月二十一日

釋果清敬序於
正覺精舍
丈室

般若波羅蜜多心經要解

傳布法師述

壹：前言

這一卷心經是大品般若六百卷中精華流出，是吾佛世尊所說。問世尊以何因緣說此法要？佛為衆生欲結所蔽，依此四大之軀，顛倒之心，起惑造業，流轉生死。不知真空實相，妄計有我有法，所以一切衆生，隔塵勞之山，沈煩惱之海者，莫不皆由於人法遍計之所累矣。今說此經，為斷衆生妄想情結，開佛知見，顯發本性，離生死苦故。是故菩薩所說即佛所說。此經傳至我國，由梵音譯華言，前後凡有七譯：

- 一、姚秦天竺三藏法師鳩摩羅什譯：摩訶般若波羅蜜大明咒經。
- 二、唐三藏法師玄奘譯名：般若波羅蜜多心經。
- 三、唐天竺三藏大廣智不空譯名：梵本般若波羅蜜多心經。
- 四、唐天竺三藏達摩戰濕羅譯名：普遍智藏般若波羅蜜多心經。
- 五、罽賓沙門般若共利言等譯名：般若波羅蜜多心經。
- 六、宋三藏慈賢譯名：梵本般若波羅蜜多心經。
- 七、宋天竺三藏施護譯名：佛說聖佛母般若波羅蜜多心經。

般若心經雖文詞簡要，卻蘊含無量勝義，研究起來至為重要。何以故？佛說大品般若六百卷，心經即為此六百卷大品般若之精要。佛以何因緣故說此經？佛見眾生為「欲結所蔽」，「欲結」乃人出世即有之劣根性，如男女之情欲，人類彼此打罵殺伐之怨情等。無論是愛情或怨情，情

即如鐵繩將眾生緊緊扣住。有此等情，眾生即無法解脫。又何以有此愛情與憎情？無他，因有「我法」二執。如某物為己所有，他人將之取走，自己即不悅，此即我法二執。不只人有我法二執，畜生亦如是。所謂「狗死藏身」，狗臨死，即找一隱蔽處所，隱藏自己之死身。何以故？因牠愛其肉身，牠恐曝屍野外，人見之將剝其皮喫其肉。故眾生皆有我執，無不愛其肉身。

肉身皆幻滅無常，然眾生卻覺千秋百歲而不壞，日日培養肉身，喫百味飲食，盛裝打扮，全為肉身健美長壽。實則肉身變化剎那不停，時時變樣，然眾生卻不知。眾生肉身乃地水火風四大合成，既是因緣所生，終歸散滅，但眾生卻作千秋百歲之計，企求福祿長壽。因執身心，故起惑造業，爭名奪利，造出種種業緣。業有善業與惡業之別，如吃齋念佛為善業，爭名奪利為惡業。既造業緣，即隨此業流轉生死苦海，無有出期。

眾生不知肉身為虛幻假相，不明真空實相，不知不見常住不滅真心，

於妄想中妄認有我有法。此我法二執妄想不停，有如結成塵勞之山，覆蔽不生不滅之常住真心，故多生累劫沈溺煩惱之海，永無出頭時。雖有時自在歡樂，然亦短暫即逝。此塵勞煩惱從何而生？皆由「人法遍計之所累」，妄想遍計周遍一切，廣求一切名利財富為己有。佛世尊今宣說此經，即來斷除眾生妄想，解開愛憎情結。妄想情結斷已，則開佛知見，佛之知見乃不生不滅之大智慧。如是顯發不生不滅之本性，永離生死苦海，住於常樂我淨之涅槃聖境。

此經為觀自在菩薩所說，雖觀自在菩薩所說，若窮其本源，實為佛金口所宣，故觀自在菩薩所說即是佛所說。此經傳至中國，前後共七譯，對此經之注解，至今已逾百家。

以上七譯而盛行於我國者，當推奘公譯本，即第二譯。它的因緣遍一切處，自唐末以來，四眾弟子無人不誦，而且文詞

簡要，含義豐富，受持亦易。古德說心經以二百六十餘言，攝盡六百卷大部般若要義，果能自淺至深，澈見真空實相，則一大藏教無不從此流出，所謂般若為諸佛母也。行者受持此經，當作難遭難遇之想。當知此經文約義豐，含容了無量勝義，總攝諸法心要。全卷文義總以一空為宗，言言說無，句句指空，處處指色明空，字字舉空即真，法法盡契無我，一一皆顯真空，廣演諸法真空之理，打開生死解脫之門。破除三界升沈之苦，截斷六道往返之流。直截了當，指引向上一著。掃蕩情執，直超涅槃彼岸。吾人若能直下承當，大道疾現面前，不起於座，當下即是彼岸。先德云：「心經一卷成佛有餘是也。」又說：「吾人欲成大業，必讀般若心經。」

此經全文恭錄於後：

般若波羅蜜多心經

唐三藏法師玄奘譯

觀自在菩薩，行深般若波羅蜜多時，照見五蘊皆空，度一切苦厄。舍利子，色不異空，空不異色，色即是空，空即是色，受想行識亦復如是。舍利子，是諸法空相，不生不滅，不垢不淨，不增不減。是故空中無色，無受想行識，無眼耳鼻舌身意，無色聲香味觸法。無眼界，乃至無意識界。無無明，亦無無明盡，乃至無老死，亦無老死盡。無苦集滅道。無智亦無得，以無所得故。菩提薩埵，依般若波羅蜜多故，心無罣礙，無罣礙故，無有恐怖，遠離顛倒夢想，究竟涅

槃。三世諸佛，依般若波羅蜜多故，得阿耨多羅三藐三菩提。故知般若波羅蜜多，是大神咒，是大明咒，是無上咒，是無等等咒，能除一切苦，真實不虛，故說般若波羅蜜多咒，即說咒曰：揭諦揭諦，波羅揭諦，波羅僧揭諦，菩提薩婆訶。

以上七種譯本，是由姚秦時代至唐宋間之三藏聖僧所譯。其中玄奘大師所譯心經，流通遍一切處，中國無不家喻戶曉。自唐宋以降，出家之比丘、比丘尼，在家之優婆塞、優婆夷等四眾弟子，無不虔誦心經。

心經文句雖至精至簡，易於受持，涵義則至廣至深。古德言：「心經以二百六十餘言，攝盡六百卷大部般若要義，果能自淺至深，徹見真空實相，則一大藏教無不從此流出。」大部般若經乃佛金口所宣，佛說法四十九年，單大部般若即廣說二十二年，佔佛一生說法近半時日。佛何以如此

廣宣般若經？因眾生無慧目，愚痴過日，糊塗造業，故流轉生死不已。佛說大部般若經，即來廣開眾生慧解。故若能利用般若經卷，則開慧眼，若不明般若經義，無明蔽心，即於生死圈中亂撞亂闖，闖至此處是生死，闖至他處亦是生死。故古德言：「天是棺材蓋，地是棺材底，無論闖哪裡，總在棺材裡。」何以故？因無般若智慧。心經攝盡六百卷大部般若要義，大部般若之精要，皆不出心經二百六十餘言。故若能由淺至深，窮究心經妙義，契自本心本慧，徹見真空實相，即已領受一大藏教之奧義。所謂真空實相者，乃指眾生本性無相是空，然此空乃是真空，真空不空，不空之空方為真空。實相無相，無相之相是為實相。真空即是實相，實相即是真空，此即眾生之本性，人人本具之法身。證真空實相，則永無生滅，已證佛果。故整部大藏經數千卷，不出心經二百六十個字。諸位，心經何其廣博深奧。

般若心經何以如是至尊至貴？因般若為諸佛母，三世諸佛，無論是過

去佛、現在佛、未來佛，若欲成佛，必修般若，一切諸佛皆般若所生。故修行人讀誦此經時，須作難遭難遇之想，今能聽聞此經，乃多生多劫之善根發動，若無善根，便無善緣聽聞此經。此經雖文詞簡要，然所含義理微妙殊勝，總攝一切諸法，故天地萬物，草芥人畜，江河湖瀚，一切眼見耳聞，所有妄想之一切世間法，及阿羅漢、緣覺、菩薩、佛等四聖之出世間法，皆不出心經之外，故古德善知識讚此一卷心經為「大總持法門體」，心經有如是博大精深。

心經全卷經文全談空。凡夫內則見有我之身心，外則見有我之世界。佛世尊見我等凡夫有此心，故來說空，使勁破眾生之執著，令眾生了悟無我無人無法。「言言說無，句句指空。」心經句句非說「無」即說「空」，一切眼見耳聞，無不是空。然凡夫卻執以為實有，見山有山相，見水有水相，男有男相，女有女相，及生老病死等諸相。佛因此愍告眾生，此皆虛妄不實，全是空。「處處指色明空」，色乃包含天地萬物，宇

宙人生，江河草芥人畜等一切色，心經即言，一切皆空，莫分別諸色。若分別此屋是鐵皮屋，牆為水泥牆，此是分別心，分別心即為生死心，無分別心則為佛心。故「處處指色明空」，令眾生無論見青黃赤白，大小長短美醜等一切色，全見成空，全指認為空。「法法盡契無我，一一皆顯真空。」所有一切法皆無我，即與諸法性契合，一切法全變成真空。

「廣演諸法真空之理，打開生死解脫之門。」廣演宣說諸法真空實相之理，令眾生頓知真空不空為本具之佛性，如此即打開生死解脫之門，頓超輪迴。「破除三界升沈之苦，截斷六道往返之流。」三界乃欲界、色界、無色界，吾輩凡夫今皆住於欲界，尚未至色界，更未達無色界。何者是欲界？眾生日日起妄念追逐名利，愛憎心時時不斷，此即欲界。在三界「升」，即從母親肚裡下生為人，「沈」即死後墮惡道，今生為人，來生墮惡道，如是於生死苦海中升沈。心經即來破除三界升沈之苦，截斷六道生死輪迴。六道者乃地獄、餓鬼、畜生等三惡道，及天道、人道、阿修羅

等三善道。今大眾生於人道，人道已難得，何有天道可去？佛言：「人身難得。」又言：「得人身者如指甲土，失人身者如大地土。」得人身者如指甲土之稀微，死後墮惡道者，卻如大地土之眾多。參悟心經，則能斷除六道輪迴之苦。

「直截了當，指引向上一著。」此經廣勸眾生一切皆觀空，空即是自己佛性。領悟此旨，當下即超生死，心經如是直截了當。故不須修別法，但見一切皆是自己空性，空性不生不滅，充虛空遍法界，無處不是。故毋須又披讀此經，又覽讀他經，又各處跑寺廟，又盡學種種教義。不用盡行種種假相，真截了當，但認自心，一切皆是空皆是假，但此心為真，不生不滅。「指引向上一著」，即是勸人返觀自心，回頭親見自己之本性。

「掃蕩情執，直超涅槃彼岸。」眾生之愛憎取捨心皆是情，執即我執與法執，我執則認有我，有我即有法，見色不知是空，一見法即欲取為己有，因有我執即有法執。心經步步說空，空中無我無法，如是掃蕩情執，

直達涅槃彼岸。涅槃乃佛菩薩所住不生不滅之聖境，眾生所住之處則是生死岸。若依心經所言，一切見成空，則「雖在生死地，我已出生死」，我與他人不同，他人有生死，我已出生死。何以故？因已掃蕩情執。

「吾人若能直下承當，大道疾現面前。」若信佛所說皆真實不虛，領悟空性，則成佛作祖之大道即現面前。「不起於座，當下即是彼岸。」即使坐於原處不動，但能信受此空性此佛性，娑婆世界全變成不生不滅之涅槃世界，如是則與諸佛菩薩並駕齊驅，同登涅槃彼岸。先德云：「心經一卷，成佛有餘。」古德言，但修心經一卷二百六十餘言，成佛尚綽綽有餘，故心經誠為至高無上之法藏。又云：「吾人欲成大業，必讀般若心經。」若欲了生死成佛作祖，不須修別法，必定要窮究般若心經，若契悟心經妙旨，則與諸佛同行，即登涅槃彼岸，心經即有如是微妙殊勝功德。